

901(47.925)

Մ-48

ԲԵՒՐ-ԲԱՆԾՅԱՆ

ՓԱՎԱՏՈՍ
ՈՒԶԱՆԻ



ՆԱՅ ՄԱՏԵՆԱԳԻՐՆԵՐ

96B(47.925)

5-48

Ս. ՄԵԼԻՔ-ԲԱԽՇՅԱՆ




ԱՎԱՏՈՍ
ՈՒԶԱՆԴ



145

Հ Ո Ւ Յ Ո Ւ Տ Ո Ւ Դ

ՀԱՅՍՏԱՆԻ ԿՐԹԱԳՐԱԿԱՆԱԿՅՈՒՆ



«Հայ մատենագիրները» շարքից Ս. Տ. Մելիք-Բախշյանի «Փավստոս Բուզանդ» վերնագրով այս գրքույկը նվիրված է V դարի հայ նշանավոր մատենագիր Փավստոս Բուզանդին: IV—V դարերի Հայաստանի քաղաքական ընդհանուր վիճակի համառոտ պատմական ակնարկից հետո, հեղինակը գրքույկի բնույթի սահմաններում, խոսելով Փավստոսի կյանքի ու նրա ստեղծագործական ժառանգությունը հանդիսացող «Հայոց պատմության» մասին, ցույց է տալիս, որ IV—V դարերի հայ գրականության, պատմագրության, փիլիսոփայության և գիտությունների այլ բնագավառների փայլուն դեմքերի՝ Մեսրոպ Մաշտոցի, Մովսես Խորենացու, Եղիշեի, Եզնիկ Կողբացու, Ղազար Փարպեցու, Ագաթանգեղոսի, Կորյունի և մյուսների շարքում իր պատվավոր տեղն ունի նաև հայրենասեր պատմիչ Փավստոս Բուզանդը:

СТЕПАН ТИГРАНОВИЧ МЕЛИК-БАХШЯН

ПАВСТОС БУЗАНД

(На армянском языке)

Армянское государственное издательство

(Айпетрат), Ереван, 1963

Հայաստանի և հայ ժողովրդի պատմությունը անհիշելի ժամանակներից սկսած սերտորեն առնչվել է հարևան երկրների ու ժողովուրդների պատմության հետ: Այդ է պատճառը, որ հասարակական, քաղաքական, կուլտուրական և բազմաթիվ այլ երևույթներ, այս կամ այն ժամանակաշրջանում, ծագելով ու զարգանալով, պայմանավորվել են ոչ միայն Հայաստանի զարգացման ներքին, սեփական և առանձնահատուկ օրինաչափություններով, այլև արտաքին հանգամանքներով: Հայ ժողովրդի համար հաճախ շատ կարևոր նշանակություն է ունեցել այն հանգամանքը, թե ի՛նչպիսի փոխհարաբերություններ են գոյություն ունեցել Հայաստանի և մյուս պետությունների միջև և ի՛նչպես են ընթացել այդ փոխհարաբերությունները տնտեսական, ռազմական, կուլտուրական և այլ բնագավառներում:

Հայաստանի աշխարհագրական նպաստավոր դիրքը և բնական հարստությունները միշտ էլ գրգռել են օտար տերությունների ու արշավող հորդանների արտոթակը: Հայաստանը տիրելու ձգտումը մեծացավ հատկապես պատմական այն-

պիսի ժամանակաշրջանում, երբ արեւելքում և արևմուտքում գոյացան աշխարհակալ ձգտումներ հետապնդող մեծ ու հզոր տրուվյուններ, որոնց գոյակցութիւնը դարեր շարունակ զուգակցվում էր աշխարհավեր պատերազմների և մեծամեծ ավերումների ու արյունահեղութիւնների հետ: Քաղաքական և ռազմական գերիշխանութիւն համար պայքարող մրցակիցները մի ժամանակ հուշներն ու աքեմենյաններն էին, մի ուրիշ ժամանակ՝ հռոմեացիներն ու պարթևները, ապա՝ Պարսկաստանում իշխող Սասանյաններն ու Բյուզանդական կայսրութիւնը, հետո՝ Բյուզանդիան ու Արաբական խալիֆայութիւնը, և այսպես շարունակ: Սակայն մրցակիցների կազմի շարունակաբար փոփոխվելը երկար ու ձիգ դարերի ընթացքում՝ ոչնչով չփոխեց Հայաստանի դրութիւնը կամ շթեթևացրեց հայ ժողովրդի ծանր վիճակը, որվհետև արեւելյան ու արևմտյան ախոյանների համար Հայաստանը միշտ էլ հանդիսացել է որպես մի միջանկյալ երկիր, և կողմերի բախումները շատ հաճախ անխուսափելիորեն տեղի են ունեցել նրա տերիտորիայում: Այսպիսով, երբեմն շատ մեծ ուղորտներ ընդգրկող երկարատև ու աշխարհավեր պատերազմների մահաբեր փոթորիկներն անցնելով Հայաստանի վրայով, ստիպել են հայ ժողովրդին՝ իբր շահերին ու կամքին միանգամայն հակառակ, կրթելու նրա դառնութիւններն ու ամենածանր հետեւանքները:

III դարի 20-ական թվականներին հարևան Պարսկաստանում տեղի ունեցան այնպիսի դեպքեր, որոնք խորապես անդրադարձան նաև Հայաստանի արտաքին քաղաքականութիւն վրա: Այդ ժամանակ խիստ թուլացել և իր մայրամուտն էր ապրում պարսկական Պարթևական պետութիւնը: Պարթևների վիճակն ավելի ծանրացավ այն ժամանակ, երբ նրանց դեմ իրենց ուժերը միավորեցին Պարսկաստանի ֆեոդալականացող ազնվականները, որոնց այն ժամանակ զլխավորում էին Սասանյան տոհմի ամենաակտիվ ներկայացուցիչները: Վերջիններիս նախաձեռնութիւնը Պարթևների դեմ ձեռնարկված ապստամբութիւնը վերջացավ Պարթևական դինաստիայի անկումով և 226 թվականին նրա փոխարեն Պարսկաստանում իշխանութիւնն անցավ Սասանյաններին, որոնք ստեղծեցին մի նոր, էլ ավելի հզոր միապետութիւն:

Սասանյանները հենց սկզբից փորձում էին վերականգնել հին Աքեմենյան պետութիւն հզորութիւնը իր նախկին սահմաններով: Դրա համար էլ նրանք մի առանձին տենդով վեր էին բարձրացնում հին պարսկական կրոնն ու կուլտուրան և ընդհակառակը՝ մերժում ու հալածում էին հելլենիստականը: Քանի որ Սասանյան Պարսկաստանի հզորացմանը զուգընթաց թուլանում և զեպի անկումն էր գնում Հռոմեական կայսրութիւնը, ուստի այդ ժամանակ Հայկական թագավորութիւն անկախութիւնն ու հայ ժողովրդի ֆիզիկական գոյու-

Յյունը մեծապես վտանգվում էր ոչ այնքան Հոռմի, որքան Պարսկաստանի կողմից:

Հայկական թագավորության նկատմամբ Սասանյան Պարսկաստանի ունեցած թշնամանքը հիմնականում արդյունք էր Սասանյանների օրավուր աճող նվաճողական ձգտումների: Սակայն դրան պետք է ավելացնել նաև այն, որ Սասանյանները բռնություններ տիրելով պարսից Արշակունիների գահը Պարսկաստանում, չէին հանդուրժում նաև նրանց հայ արյունակիցների գոյությունը Հայաստանում:

Միանգամայն հասկանալի է, որ քաղաքական այսպիսի խիստ լարված պայմաններում, թուլացած Հոռմին ձեռնառու էր իր վտանգավոր մրցակից Պարսկաստանի սահմանագլխում ունենալ շատ թեքիչ ուժեղ հայկական թագավորություն: Դրա համար էլ զարմանալի չէ, որ Սասանյանների ամբողջ գոյությունն ընթացքում, կամա թե ակամա, հոռմեացիները հաճախ դաշնակցում էին Հայաստանի հետ ընդդեմ Պարսկաստանի:

Իրենց գահակալության առաջին իսկ տարիներից սկսած, Սասանյանները հանդես եկան նվաճողական ընդարձակ ծրագրերով: Դեպի Հայաստան, Միջագետք ու հարակից շրջանները կատարված պարսկական առաջին արշավանքները հաջողությամբ ետ էին մղվում Հոռմի ու նրա հետ դաշնակցած մյուս պտույթունների ռազմական ուժերի կողմից: Պարսկաստանի համար ավելի խայտա-

ռակ եղավ 295 թվականին Սասանյան Ներսեսի սկսած պատերազմը, որը վերջացավ նրա պարտությամբ: Հայկական զորքերը Հոռմեական օգնական լեգեոնների հետ միասին այնպիսի միջարգ ավեցին թշնամուն, որ Ներսեսը հաղիվ կարողացավ ազատվել գերի ընկնելուց: Իսկ երեք տարի հետո, 298 թվականին, հայերի ու հոռմեացիների հարկադրանքով պարսիկները ստիպված եղան ստորագրելու Մծբինի քառասնամյա հաշտության պայմանագիրը: Այս պայմանագիրը ոչ միայն երաշխավորում էր Հայկական թագավորության ամբողջականությունն ու անկախությունը, այլև գոնե որոշ ժամանակ, ապահովում էր խաղաղությունը Արևելքում:

Քառասնամյա այս խաղաղությունը նպաստեց ինչպես Հայաստանի ռազմա-տնտեսական հզորացմանը, այնպես էլ նրա սոցիալական հարաբերությունների զարգացմանն ու առաջընթացին: Հասարակական հարաբերությունների մեջ ֆեոդալիզմի հաղթանակը հրամայաբար պահանջում էր վերափոխում մտցնել նաև տիրապետող գաղափարախոսության մեջ: Նախկին հեթանոսական պաշտամունքը, որ ավելի համապատասխանում էր ստրկատիրության ժամանակներին, այժմ իր տեղը հարկադրաբար զիջեց քրիստոնեությունը, որը դարձավ ֆեոդալական վերնախավի գաղափարական զենքը շահագործվողներին հպատակության մեջ պահելու համար: 301 թվականին քրիս-

տոնեութիւնը պետական կրօն հռչակվելուց հետո, ֆեոդալական հարաբերութիւնների զարգացման ու նրա հիմքերի ամրապնդման համար Հայաստանում ստեղծվեցին ավելի մեծ հնարավորութիւններ: Հայերն ընդունելով բրիտանեութիւնը, վերջնականապէս սահմանազատվեցին նաև պարսկական գրադաշտական կրօնից: Այս վերջին հանգամանքը շատ կարևոր էր, որովհետև զրադաշտութիւնն ամեն ձևով խրախուսում և արգարացնում էր Սասանյանների նվաճողական քաղաքականութիւնը:

309 թվականին պարսկական գահն անցավ Շապուհ II Երկարակյացի ձեռքը, որն իշխեց մինչև 379 թվականը: Շապուհի գահակալութիւնն տարիներին էլ (338 թ.) վերջանում էր Մծրինի բառասնամյա հաշտութիւնն պայմանագրի ժամկետը: 330-ական թվականներին գնալով ավելի էին սըրվում պարսկա-հռոմեական հարաբերութիւնները և պատերազմը նրանց միջև դառնում էր անխուսափելի: Շապուհը իր գահակալութիւնն առաջին իսկ տարիներից սկսեց եռանդուն կերպով նախապատրաստվել ոչնչացնելու Մեծբինի ստորացուցիչ դաշնագիրը և կատարելու նորանոր նվաճումներ: Եվ Շապուհը, չսպասելով հաշտութիւնն ժամկետի վերջանալուն, 337 թվականին աճելի բանակով ներխուժեց Հայաստան ու Միջագետք: Պարսից բռնակալը որոշել էր մեկ ընդմիջտ հաշիվները մաքրել Հայաստանի հետ, նվաճել ու ստըր-

կացնել հայ ժողովրդին: Հայ ժողովրդի կյանքը դուրս եկավ խաղաղ հունից, սև ամպերը կրկին սփովեցին հայկական երկնակամարի վրա, հայ շինականը իր երկիրը և արդար վաստակը պաշտպանելու համար ստիպված մի կողմ դրեց բահն ու արորը և զենք վերցրեց: Սկսվեցին անհավասար պայքարի ու հերոսացման ժամանակներ:

Պարսկա-հռոմեական այս պատերազմը ընդմիջումներով շարունակվեց մինչև IV դարի 80-ական թվականները: Հայաստանը որպէս պատերազմի հիմնական թատերաբեմերից մեկը ենթարկվեց մեծամեծ ավերածութիւնների և կրեց նյութական ու մարդկային հսկայական կորուստներ: Սասանյան Պարսկաստանի հաղթանակը Հռոմի դեմ ակնառու էր: 387 թվականին երկու կողմերի միջև կնքվեց հաշտութիւնն պայմանագիր, որը խիստ բացասաբար անդրադարձավ Հայաստանի ճակատագրի վրա. ուրիշ շատ կետերի հետ մեկտեղ այնտեղ արձանագրվում էր Հայաստանի բաժանումը երկու տերութիւնների միջև: Սա Հայաստանի առաջին բաժանումն էր:

Պայմանագրի կնքումից հետո, սկզբում, Հայաստանի երկու մասերում էլ հայ Արշակունի թագավորները պահպանում էին իրենց ներքին իրավունքները վաստակաւ: Կրօնըներով: Բայց նվաճողներն ամեն միջոց գործադրում էին հայերի ինքնուրույնութիւնն այդ փշրանքներն էլ ոչնչացնելու և հնարավոր բոլոր միջոցներով հայ ժո-

դովորդին իրենց հետ ձուլելու համար: Հայ Արշակունիսները, որոնք Հայաստանի քաժանումից հետո իշխում էին ինչպես արևելյան, այնպես էլ արևմտյան մասերում, գնալով զրկվում էին իրենց իրավունքներից և իշխանության ֆունկցիաներից: Արևմտյան Հայաստանում 391 թվականին, իսկ Արևելյան Հայաստանում 428 թվականին Արշակունիսների թագավորության ոչնչացումից հետո, երկիրն ամբողջովին կորցրեց իր ինքնուրույունությունը և մտցվեց հռոմեական ու պարսկական տիրապետությունների մեջ որպես նրանց բաղկացուցիչ մասեր: Հայ ժողովրդի համար այսուհետև սկսվում էր պատմական մի նոր ժամանակաշրջան, իր գոյությունը այժմ արդեն շատ մոտիկից սպառնացող վտանգի դեմ պայքարի ժամանակաշրջան:

Հայաստանի պետական ու քաղաքական անկախության բացակայության պայմաններում, երբ ամեն ինչ ենթարկված էր հույների ու պարսիկների կամքին, երբ սեփական երկրում թելադրողն ու տնօրինողը օտարն էր, հայոց լեզուն, կուլտուրան ու պաշտամունքը անաղարտ պահելու խնդիրը դառնում էր առավել առաջնակարգ ու հասարակական բոլոր դասակարգերին ու խավերին հուզող, անհրժեշտացնող խնդիր: Այդ երկվույթը իր ծայրակետին հասավ մանավանդ IV—V դարերում, երբ ոչ միայն հայոց լեզուն, կուլտուրան, այլ հենց ինքը ժողովուրդը դեմ առ դեմ

կանգնեց ֆիզիկական ոչնչացման ու ձուլման ահավոր վտանգի առաջ, մի վտանգ, որը հետևողականորեն նյությում էին պարսից ազնվականներն ու զբաղաշտական հոգևորականները՝ զինվորական վերնախավի հետ միասին, առաջնորդ ունենալով ժամանակի այնպիսի արյունարբու բռնակալների, ինչպիսիք էին Շապուհ II-ը, Հազկերտ II-ը և մյուսներ:

IV—V դարերը հայ ժողովրդի համար հանդիսացան մահու և կենաց, անհավասար պայքարի ու դաժան մաքառումների ժամանակներ: Այժմ կյանքը ինքն էր թելադրում իր պահանջները. իսկ կյանքի պահանջն էր ամբողջ ուժով ոտքի էլնել օտար բռնակալների դեմ, փրկել ժողովրդի դարավոր կուլտուրան, լեզուն, ազգային ոգին, սովորություններն ու հավատալիքները, մի խոսքով՝ այն ամենը, ինչը բնորոշում էր մի ժողովրդի ինքնությունը:

Այս ծանր օրերին միայն զենքով չէր որ ժողովուրդը պետք է դեմ գնար ստեղծված վտանգին, զենքի հետ հավասար դեր ունեին կատարելու նաև զրիչն ու զաղափարական պայքարը: Եվ ահա IV դարի վերջին և V դարի սկզբներին ազգային-ազատագրական պայքարի մեջ թշնամու ստրկացնող բանակների ու մոգերի ամբոխների դեմ հայկյան նետ ու աղեղի հետ ուժգնորեն շառաչել սկսեց նաև գլավոր, զաղափարական պայքարը:

Հայկական նոր գրերի ստեղծումը մեծ չափով

նպաստեց հայ նոր գրականութեան զարգացմանը, գրականութեան, որն իր մեջ ընդգրկելով գիտութեան ամենաբազմազան բնագավառները և ունենալով դարերի տրագիցիա, առգովրված ջերմ հայրենասիրական զգացմունքներով, կոչված էր նոր ուժով բորբոքելու ժողովրդի մեջ այդ զգացմունքները՝ հանուն ինքնուրույնութեան, հանուն պայքարի ու հաղթանակի, հանուն լավագույն ապագայի նկատմամբ հաստատակամ հավատի:

IV—V դարերի հայ գրականութեան, փիլիսոփայութեան, պատմագրութեան և գիտութեան այլ և այլ բնագավառների փայլուն դեմքերի՝ Մեսրոպ Մաշտոցի, Մովսես Խորենացու, Եղիշեի, Եզնիկ Կոչբացու, Ղազար Փարպեցու, Ագաթանգեղոսի, Կորյունի և մյուսների կողքին իր պատվավոր տեղն ունի նաև հայրենաբեր պատմիչ Փավստոս Բուզանդը:



Միջնադարյան մի քանի հայ հեղինակների նման Փավստոս Բուզանդը և նրա «Պատմութիւն Հայոց»-ը ևս հայագիտութեան մեջ տեղիք են տվել բազմապիսի վեճերի ու տարակարծութեաններին: Այդ վեճերի հիմնական պատճառը մի կողմից իրեն՝ Բուզանդին վերաբերող կենսագրական տրվյալների բացակայութեանն է, իսկ մյուս կողմից՝ նրա աշխատութեան հետ կապված մի քանի բար-

դութեաններ, որոնք զգալիորեն դժվարացնում են հանգելու հաստատուն ու վերջնական եզրակացութեաններին: Հենց այդ է պատճառը, որ մեր այս հեղինակի մասին գրված բազմաթիվ ուսումնասիրութեաններին մեջ արտահայտվել են շատ ու բազմապիսի իրարամերժ կարծիքներ և տեսակետներ:

Մասնաշաղկան ընթերցանութեան համար ներկայացվող այս գրքույկում խոսել Փավստոս Բուզանդի հետ կապված բանասիրական կարգի բոլոր վեճերի ու զրանց շարժառիթների մասին՝ մեր նպատակից դուրս է: Սակայն մեր հեղինակի մասին մեկ ամբողջական պատկերացում տալու համար, անհարաժեշտ ենք համարում ընթերցողներին համառոտակիորեն ծանոթացնել վիճելի հարցերի ընդհանուր բնույթին:

Փավստոս Բուզանդի ու նրա «Պատմութիւն Հայոց»-ի շուրջը եղած վեճերը հիմնականում պատվում են երկու հարցի շուրջը.

1. ազգութեամբ ո՞վ է Փավստոս Բուզանդը, ե՞րբ և ի՞նչ լեզվով է գրել նա իր գիրքը, և
2. Փավստոսի Պատմութեանը արդյո՞ք ամբողջութեամբ է հասել մեզ, թե կիսատ:

Ուսումնասիրողների մի մասը (Մ. Չամչյան, Մ. էմին, Ն. Բյուզանդացի, Ն. Աղոնց, Սեն—Մարտին և ուրիշներ) հակված է ապացուցելու, որ «Պատմութիւն Հայոց»-ի հեղինակը նրանում մի քանի անգամ հիշատակված հույն եպիսկոպոս Փավստոսն է, որը Հայոց կաթողիկոս Ներսես

Մեծի (353—373 թթ.) խորհրդականն էր ու գործակիցը: Ըստ Չամչյանի և ուրիշների, նշված աշխատությունը գրվել է վերոհիշյալ անձնավորության կողմից IV դարի վերջերում հունարեն լեզվով և միայն V դարում այն թարգմանվել է հայերեն: Գիտնականների մյուս խումբը (Ղ. Ինճիճյան, Հ. Տաշյան, Հ. Գեյցեր, Ստ. Մալխասյանց, Մ. Աբեղյան և ուրիշներ) գտնում է, որ այս Պատմության հեղինակը հայ է, որն իր աշխատությունը գրել է հայերն, Վդարում, սակայն գրքին մեծ հեղինակություն տալու և այլ նկատառումներով այն վերագրել է իր նկարագրած դեպքերի ժամանակակից հույն եպիսկոպոս Փավստոսին: Մանրամասնությունների մեջ շխորանալու համար, միայն նշենք, որ այժմ ուսումնասիրողների մեծ մասը հաստատակապես պնդում է, որ Փավստոս Բուզանդի «Պատմութիւն Հայոց»-ը գրվել է V դարի կեսերին, հայ հեղինակի ձեռքով և հայերեն լեզվով:

«Պատմութիւն Հայոց»-ի հեղինակը հակառակ ժամանակի սովորույթի, իր աշխատության մեջ շատ մեծ տեղ է տվել ժողովրդական բանահյուսությունը ու գիրքը շարադրել վիպագրելու եղանակով: Եվ քանի որ ժողովրդական ստեղծագործության մեջ կային նաև այնպիսի պատումներ, որոնց արմատները գնում էին մինչև հեթանոսություն և կամ ունեին այնպիսի բովանդակություն, որ հակասում էր հայոց եկեղեցու սկզբունքներին, ուստի աշխատության իսկական հեղինակը այն վե-

րագրել է մի ուրիշի, որովհետև նա գիտեր, որ հայկական եկեղեցին նման մի հանդգնություն չէր կարող ներել հայ գրողին, և հակառակը, չէր էլ կարող իր կամքը թելադրել մի օտար մարդու, մասնավանդ որ այդ մարդն ապրել է իրենից մոտ մեկ դար առաջ¹: Ինչ էլ, որ լինի, «Պատմութիւն Հայոց»-ը մեղ է հասել Փավստոս Բուզանդի անունով, ուստի այդպես էլ հայտնի է նա մատենագրության մեջ:

* * *

Փավստոս Բուզանդի ու նրա գրական ժառանգության հմուտ մասնագետ ակադեմիկոս Ստ. Մալխասյանցը գտնում է, որ Փ. Բուզանդը, որպես Մեսրոպ Մաշտոցի ավագ աշակերտներից մեկը, կրթությունը ստացել է հենց իր հայրենիքում՝ Հայաստանում: Նա V դարի մյուս մատենագիրների նման ուսումը շարունակելու համար արտասահման չի գնացել: Բուզանդը կրթությունն ստանալուց հետո եռանդուն կերպով սկսում է գրի առնել ժողովրդական ավանդություններն ու առասպելները, որոնց նկատմամբ նա անսահման սեր էր տածում դեռևս մանկությունից: Հե-

¹ Մ. Աբեղյան, Հայոց հին գրականության պատմություն, Գիրք առաջին, Երևան, 1944, էջ 168—169:

տաքքերն այն է, որ Բուզանդը իր լսած առապելներն ու ավանդությունները գրի է առնում համարյա այնպես, ինչպես ինքը լսել էր, սահման չդնելով ոչ-ճշմարիտի ու ճշմարիտի, առապելի ու իրական ելլելության միջև: Եվ այսպես, ժամանակի ըթնացում, նրա մոտ գոյացել է հսկայական նյութ, որը մշակելով ու դասավորելով, դարձրել է այն գիրքը, որ մեզ հայտնի է «Փաստոսի Բուզանդացու պատմությունը Հայոց» կամ «Բուզանդարան պատմությունը» անունով:

Փավստոս Բուզանդով հետաքրքրվել են դեռևս V դարում: Նրա մասին՝ օրինակ՝ խոսում է V դարի նշանավոր պատմիչ Ղազար Փարպեցին: Որպես կանոն, թե՛ հին և թե՛ նոր ժամանակներում, մեր պատմիչի «Բուզանդ» անունը ուսումնասիրողները մեծ մասամբ մեկնաբանել են բյուզանդացի՝ Բյուզանդիայում կրթություն ստանալու իմաստով: Բոլորովին ուրիշ ստուգաբանություն է տալիս ակադեմիկոս Ստ. Մալխասյանցը: Նա Փավստոս Բուզանդի Պատմության աշխարհաբար թարգմանության ծանոթության մեջ նշում է, որ Բուզանդ կամ Բյուզանդ բառերը ամենևին էլ կապ չունեն Բյուզանդիոն կամ Բյուզանդիա անունների հետ: Այդ բառն ունի հնդեվրոպական երկու արմատ՝ բ ու և զ ա ն դ, որ նշանակում է հղելությունների, զրույցների բացատրիչ, մեկնիչ, ուրեմն և «... Բուզանդ բառը ոչ թե անձի հատուկ անուն է, այլ աշուղական կոչում».

որ բուզանդարան նշանակում է բուզանդների ժողովածու, զրույցների ժողովածու, մեկնությունների ժողովածու և այլն¹: Եվ իրոք, Բուզանդի գրքում բավական մեծ տեղ են գրավում ժողովրդական զրույցները և ավանդությունները:

Փավստոս Բուզանդի գրքը Ազաթանգեղոսի աշխատությունից հետո մեարդպատառ հայերենով գրված երկրորդ գիրքն է, որ կրում է «Պատմությունը Հայոց» վերնագիրը: Սակայն եթե այս երկու հեղինակների գրվածքները ըստ բովանդակության համեմատենք իրար հետ, ապա կտեսնենք, որ Բուզանդի գիրքը փաստորեն առաջինն է, որովհետև այնտեղ կատարվել է Հայաստանի քաղաքացիական պատմության շարադրման առաջին փորձը, ընդգրկելով մի որոշակի ժամանակաշրջան: Այն ինչ Ազաթանգեղոսին հետաքրքրել է փաստորեն մեկ հարց՝ Հայաստանում քրիստոնեության տարածման պատմությունը, և նրա գրքում հիմնականում շարադրված է հենց այդ թեման:

Բուզանդի Պատմությունը բաժանվում է չորս մասերի, որոնց հեղինակն անվանում է դպրություններ և որոնք համարակալված են 3, 4, 5, 6: Առաջին երկու դպրությունների բացակայությունը տեղիք է տվել բաղմամբիլ վեհերի: Վիճաբանողներին ումանք գտնում են, որ դրանք գրված են եղել,

1 Փավստոս Բուզանդ, Հայոց պատմությունը, թարգմանություն, ներածություն և ծանոթություններ, ակադ. Ստ. Մալխասյանցի, Երևան, 1947, էջ. 309-310:

931



բայց հետագայում կորել են, իսկ ոմանք էլ պնդում են, որ հեղինակն ընդհանարպես այդ մասերը շի գրել Ագաթանգեղոսին չկրկնելու համար, որովհետև այն, ինչի մասին, որ ինքը պետք է գրեր առաջին երկու դպրություններում, Ագաթանգեղոսի կողմից աթղեն գրված էին: Յուրաքանչյուր դպրությունը բաժանվում է վերնագրեր կրող առանձին գլուխների: Բացի այդ՝ գիրքն ունի նաև առաջաբան:

Իր ժամանակի մյուս հեղինակների նման, Բուզանդը այդ գրքի համար օգտագործել է որոշ սկզբնաղբյուրներ, որոնք կարելի է բաժանել երկու խմբի՝ գրավոր և բանավոր:

Ամենից առաջ նշենք, որ Բուզանդը, որպես բարեսպաշտ քրիստոնյա, որպես իր ժամանակի ծնունդ, ունի կրոնական աշխարհայեցողություն: Նրա համար եկեղեցուց և քրիստոնեությունից դուրս ուրիշ հեղինակություն և ճշմարտություն, ուրիշ շափանիշ գոյություն չունի: Այդ պատճառով էլ նրա համար որպես առաջնակարգ սկզբնաղբյուր են հանդիսանում Աստվածաշունչը և եկեղեցական մի քանի գրքեր, որոնցից մեր պատմիչը բավականին շատ մեջբերումներ է կատարել: Բայց միայն դրանցով Փավստոսը պատմություն գրել չէր կարող: Եվ իրոք, նա կրոնական գրականությունից բացի, օգտվել է նաև պատմագիտական կարգի սկզբնաղբյուրներից, ամենից առաջ հրապարակի վրա եղած հայերեն գրքերից: Ներկայու-

մբս արդեն ապացուցված է, որ Բուզանդը լայնորեն օգտագործել է Ագաթանգեղոսի «Պատմութիւն Հայոց»-ը և Կորյունի «Վարք Մաշտոցի»-ն: Այդ հեղինակներից Բուզանդը երբեմն բերում է հատվածներ, կամ անհրաժեշտությունից ելնելով, ուղղակի վերապատմում է նրանց ասածները այս կամ այն հարցի վերաբերյալ: Վերոհիշյալ հեղինակներից օգտվելու հանգամանքն էլ իրավունք է տվել բանասերներին եզրակացնելու, որ Բուզանդի գիրքը հանդես է եկել Ագաթանգեղոսի ու Կորյունի գրքերից հետո, այսինքն V դարի 70-ական թվականներին: Ինչպես տեսնում ենք, մեր պատմիչի օգտագործած գրավոր հիշատակարանները այնքան էլ շատ չեն, դրա համար էլ նա նյութի պակասը լրացրել է բանավոր աղբյուրների օգտագործմամբ: Օգտագործած գրավոր աղբյուրների սակավությունը Բուզանդի մոտ երկու պատճառ ունի. մեկ այն, որ մեսրոպատառ այբուբենը դեռ նոր էր ստեղծվել և հայկական գիտական մատենագրությունը դեռ չէր հարստացել շատ գործերով, մյուսը՝ Բուզանդի տեղական կրթությունը; այնուամենայնիվ, որոշ դժվարություններ էին ստեղծում օտար լեզվով գրականության լայն օգտագործմանը: Չնայած դրան, Փավստոս Բուզանդի Պատմությունը հայ մատենագրության մեջ մնում է որպես ամենալավագույն սկզբնաղբյուրներից մեկը և շատ բարձր է գնահատվում որպես և՛ պատմագիտական, և՛ գրական բարձրարժեք մի գործ:

Չափազանցութիւնն չէ, եթէ ասենք, որ Բուզանդը իր գրքում ավելի մեծ տեղ հատկացրել է բանավոր սկզբնաղբյուրներին: Դժվար է ասել, թե դրա պատճառը միայն գրավոր սկզբնաղբյուրներին սակավութիւնը կամ դրանց Բուզանդի համար անմատչելիութիւնն է: Ի՞նչ իմանանք, գուցէ հեղինակը հենց գիտակցաբար է առաջնութիւնը տվել ժողովրդական խոսքին ու կատարել բանահավաքի պատվավոր ու դժվարին գործը հին ժամանակներում: Իր գրքի համար բանավոր տեղեկութիւնները նա հավաքել է ժողովրդի բերանից՝ բանասացներից, գուսաններից, իր նկարագրած դեպքերի ժամանակակից մարդկանցից և այլն: Ահա այս երկու կարգի սկզբնաղբյուրների հիման վրա է Փավստոս Բուզանդը շարադրել իր Պատմութիւնը, մեզ համար պատմագիտական և գրականագիտական հետաքրքրութիւն ներկայացնող այդ աշխատութիւնը:

Փավստոս Բուզանդը մեր այն հեղինակներից է, որ, ինչպես իր, այնպես էլ հետագա ժամանակներում ըստ արժանավույն շի գնահատվել: Դրա պատճառը ամենից առաջ այն է, որ Բուզանդը իր գրքում մեծ տեղ տալով ժողովրդական ստեղծագործութիւններին և լայն շափով հենվելով դրանց վրա, փաստորեն շեղվել է պատմագրութիւնի սովորական սկզբունքներից ու գրել է կես պատմագիտական կես գեղարվեստական մի աշխատութիւն: Բայց որովհետև մինչև XIX դարը նրա աշ-

խատութիւնը մոտեցել են զուտ պատմագիտական առումով, չնկատելով նրա առավելութիւնները, սկսել են թերագնահատել Բուզանդի աշխատութիւնը կամ վատաբանել նրա հեղինակին: Այժմ հայագիտութիւնն մեջ Բուզանդը և նրա գիրքը միանգամայն այլ տեսանկյունով են դիտվում ու գնահատվում: Բուզանդի աշխատութիւնը զուտ պատմագիտական երկ չէ, ինչպես, օրինակ, Խորենացու, Փարպեցու և ուրիշների երկերը: Այն ավելի շուտ նման է Զենոբ Գլակի, Հովհան Մամիկոնյանի և մյուսների գործերին, որոնց մեջ գերակշռում են ժողովրդական վրույցները և պատմութիւնը շարադրված է վիպագրելու եղանակով: Ուրեմն միանգամայն հասկանալի է, որ այն պահանջները, որ ներկայացվում են, այսպես ասած, զուտ պատմագիտական աշխատութիւններին, չեն կարող ներկայացվել Փավստոսի աշխատութիւնը, հետևաբար, այն գնահատականը, որ տրվում է առաջիններին, չի կարելի տալ վերջինին, որովհետև դրանք իրենց բովանդակութիւնով և իրենց արժեքով տարբեր տիպի աշխատութիւններ են: «Պատմութիւն Հայոց»-ի հեղինակը խորապես գիտակցելով իր վարմունքը, իր առաջ նպատակ է դրել հավաքել և, գրական որոշ մշակման ենթարկելուց հետո, շարադրել իր լսած ու իրեն մատչելի ժողովրդական այն վրույցներն ու պատմութիւնները, որոնք, ստեղծվելով իրենից ընդամենը մի քանի տասնամյակ առաջ, դեռ իր օրերում էլ

լայնորեն տարածվում էին ժողովրդի մեջ, բովանդակելով Հայաստանի ու հայ ժողովրդի համար ճակատագրական նշանակություն ունեցող IV դարի հերոսական ղեպերի վիպական պատկերը: Միջնադարյան հայ հեղինակներից շատ բներն են վարվել Բուզանդի նման: Ժողովրդական ստեղծագործությունների մեծ արժեքը հասկացել են շատ բները: Ահա դրա համար է, որ մեր պատմիչը անցյալի շատ հին մտածողներից բարձր է կանգնած մի ամբողջ գլխով. նրա հավաքած գրույցներից ու պատմություններից մենք կարողանում ենք որոշ պատկերացում կազմել IV դարի Հայաստանի մասին: Բուզանդը ժողովրդական գրույցները գրի է առել համարյա այնպես, ինչպես դրանք լսել է ինքը, նա դրանց բովանդակությանը չի միջամտել, որի պատճառով էլ նրա հաղորդած պատմություններն ու գրույցները մեզ են հասել իրենց անարատությամբ: Հենց այդ է պատճառը, որ Բուզանդի գրքում փաստորեն շարադրված են իրենց բովանդակությամբ և սյուժեով տարբեր, իրար հետ չկապվող պատմություններ: Դեռ ավելին. նրա մոտ կան նույնիսկ այնպիսի պատմություններ, որոնք կամ կապ չունեն Հայաստանի հետ և կամ վերաբերում են ուրիշ երկրների ու անձնավորությունների, որոնք, սակայն, ժողովրդի կողմից վերագրվել են Հայաստանին կամ հայ հերոսներին: Որ իսկապես Բուզանդի նպատակը չի եղել շարադրել Հայաստանի պատմությունը իր իսկական իմաստով, այդ

երևում է նաև նրանից, որ նա չի ցանկացել իր լսած պատմությունները ստուգել ուրիշ աղբյուրներով, ճշգրտել դրանց ժամանակը և այլ հարցեր: Դրա համար էլ զարմանալի չէ, որ Փավստոսի Պատմության մեջ համարա բացակայում է ժամանակագրությունը, ինչպես նաև ղեպերի հաջորդական շարադրումը: Մի տեղ Փավստոսը ինքն էլ է հաստատում, որ իր գրվածքը առանձին պատմիչների ժողովածու է: Նա իր գրքի Յ-րդ դպրության վերջում բացեիքաց ասում է, որ ավարտվեց երրորդ դպրությունը, որ բաղկացած է 21 պատմություններից (երրորդ դպրությունը հենց 21 գլուխներից է բաղկացած): Ուրեմն, դրանցից յուրաքանչյուրը հեղինակը համարում է առանձին պատմություն, որոնց մեջ օրգանական ներքին կապի անհրաժեշտությունն այնքան էլ պարտադիր չէր:

Այժմ դառնանք Փավստոս Բուզանդի Պատմության բովանդակությանը և տեսնենք թե ինչ արժեք ունի նա մեզ՝ 1500 տարի հետո ապրողներին համար:

Եթե մեկ անգամ էլ մենք վերհիշենք V դարում Հայաստանի համար ստեղծված քաղաքական ծանր իրադրությունը, երբ հայկական ինքնուրույն պետականության ոչնչացումից հետո մեծ վտանգ էր ստեղծվում հայ ժողովրդի ֆիզիկական գոյության համար, ապա ավելի հասկանալի կլինի, որ Բուզանդի գիրքը իր ժամանակակից մյուս հեղինակների աշխատությունների նման կոչված էր

ծառայելու ժողովրդի մեջ հայրենասիրութիւն պըրտպագանդելու մեծ ու ազնիվ գործին:

Փալատոս Բուզանդի Պատմութիւնը ընդգրկում է համեմատաբար ոչ մեծ ժամանկաշրջան, բովանդակելով ընդամենը մի հիսուն տարվա պատմութիւն: Գիրքն սկսվում է Տրդատի որդի Խոսրով Կոտակի (331—338 թթ.), հայոց կաթողիկոս Արիստակեսի մահվան (325—333 թթ.) ու նոր կաթողիկոս Վրթանեսի (333—334 թթ.) աթոռակալութիւնի ղեկավարում ու հասցվում մինչև 387 թվականը, այսինքն մինչև Հայաստանի առաջին բաժանումը: Գիրքը իր մեջ հարուստ և բացառիկ արժեքավոր տեղեկութիւններ է պարունակում IV դարի ֆեոդալական Հայաստանի քաղաքական պատմութիւնն ու ներքին կյանքի, նախարարական սիստեմի, դասակարգային ու ներդասակարգային պայքարի ու փոխհարաբերութիւնների, եկեղեցական ու կրթունական հարցերի, ժողովրդի կենցաղի ու սովորութիւնների, համատալիքների ու բազմաթիվ այլ հարցերի մասին: Այս տեղեկութիւնները մեզ հասած գրավոր հիշատակութիւնների մեջ մնում են որպէս ամենաառաջիններն ու ամենաարժեքավորները, որոնք մեզ այսօր հնարավորութիւն են տալիս որոշակի պատկերացում կազմել 1500 տարի առաջվա Հայաստանի ու հայ ժողովրդի մասին և հազորդակից լինելու մեր նախնիների կենցաղին, մտավոր ունակութիւններին, սովորութիւններին և այլն:

Բուզանդի գրքում որոշակիորեն առաջադրված են մի քանի թեմաներ, մի քանի սյուժեներ, որոնցից յուրաքանչյուրի նկատմամբ պատմիչը ցուցաբերել է առանձին մտտեցում և առանձին վերաբերմունք: Նրա ուշադրութիւնը հիմնականում կենտրոնացել է Հայոց եկեղեցու և հոգևորականութիւն, Արշակունիների և հայկական արքունիքում ու ապա երկրի կյանքում առաջատար դեր խաղացող Մամիկոնյան նախարարական տան վրա: Այս երեք բնագավառներն էլ առանձին-առանձին ունեն իրենց գլխավոր և երկրորդական հերոսները, իրենց դրական և բացասական հատկանիշներով, ուսանելի կամ պախարակելի կողմերով: Մի խոսքով՝ Բուզանդի վիպականացած պատմութիւնն մեջ ասպարեզ են գալիս ժամանակի հոգևոր ու շխարհիկ գրեթե բոլոր գլխավոր դեմքերը՝ կաթողիկոսներսես Մեծը, Արշակ II թագավորը, պանծալի զորավարներ Վաչե, Վասակ, Մուշեղ Մամիկոնյանները և էլի ուրիշ շատ հերոսներ, որոնց մտածողութիւն, բարքերի, կենցաղային սովորութիւնների, ապրելակերպի, բնավորութիւն, անհատական փոխհարաբերութիւնների և այլ ու այլ հարցերի մասին խոսելով, պատմիչն ամբողջացնում է IV դարի Հայաստանի մասին իր ասելիքը: Եվ եթե այսօր մենք V դարի հայ հեղինակներից միայն Բուզանդի մոտ ենք հանդիպում Հայաստանի ներքին կյանքին վերաբերող տեղեկութիւնների, ապա դրա պատճառը պետք է փնտրել միայն այն բանի

մեջ, որ նա մեծ չափով հենվել է ժողովրդական ստեղծագործությունների վրա և շնորհալի կերպով օգտագործել դրանք:

Հայոց եկեղեցու և եկեղեցական գործիչների մասին խոսելիս Փավստոս Բուզանդը մեծ տեղ է տալիս հատկապես կաթողիկոս Ներսեսի գործունեությանը, շմոռանալով նրա անձնավորութունն ու հոգևոր աշխատանքը գունազարդել բազմաթիվ վիպականացած պատումներով ու տեսիլքներով: Մեր պատմիչը (հավանաբար նաև նրան պատմողները) այնքան է տարված Ներսեսի կերպարով, որ երբեմն նրան է վերագրում չեղած և կամ ուրիշ երկրներում ու ուրիշների հետ պատահած դեպքեր ու պատմություններ: Ներսեսը Փավստոսի մոտ դուրս է բերված որպես հոգևորականի մի իդեալական կերպար: Նա բոլորի հոգևոր հայրն է, աղքատների ու հիվանդների հովանավորը, երկրի օրենսդիրը, ամուսնական սովորությունների կարգավորողը, քրիստոնեության ոգուն խորթ հեթանոսական բարբերի ու մնացորդների ոչնչացնողը, հոգևորականների և մյուսների համար հունարեն և ասորերեն լեզուներով դարոցներ բաց անողը և այլն: Ինչպես ուրիշ դեպքերում, այստեղ նույնպես Փավստոսը որպես ջերմեռանդ հավատացյալ, Հայոց եկեղեցու ու նրա սպասավորների մեծ մասի մոտ բացասական հատկանիշներ չի տեսնում, ուստի և նրանց նկատմամբ քննադատական որևէ հակում հանդես չի բերում: Դեռ ավելին. նա հանդես է

գալիս որպես հայկական եկեղեցու հիմքերի ամրապնդման ջատագով, եկեղեցու և հայ հոգևորականության իրավական ու անտեսական արտոնությունների մոլի պաշտպան: Հենց այստեղից էլ բխում է նրա անհանդուրժողությունը պետական ու քաղաքական այն գործիչների նկատմամբ, ովքեր հայկական ֆեոդալական միապետության կենտրոնացման ու ամրապնդման շահերից ելնելով փորձում էին որոշ չափով սահմանափակել եկեղեցու և հոգևորականության իրավունքները: Բուզանդը մեկն էր շատերից, որը իր ժամանակ զրադաշտական Պարսկաստանի գաղափարախոսությանը, նվաճողական ու ձուլելու քաղաքականությանը պարտավոր էր հակադրել հայկական, ուրեմն և քրիստոնեական գաղափարախոսությունը: Ուստի, քրիստոնեության ազդեցությունը մեծացնելու համար, պատմիչը շփոթ կարող խոսափել դեպքերի և դեմքերի վիպականացումից և չափազանցություններից:

Հին հայկական ժողովրդական վեպերից մի քանիսը մեզ են հասել նաև Մովսես Խորենացու միջոցով: Այդ վեպերը այս կամ այն չափով արտացոլում են ամենահեռավոր ժամանակներից սկզբած մինչև մեր թվականության II դարի պատմական դեպքերը: Բայց այստեղ առասպելի ուժն այնքան մեծ է, որ դժվար է որոշել պատմականն ու ոչ պատմականը: Մովսես Խորենացու գրի առած վեպերից հետո, հայկական ժողովրդական երկրորդ

վեպը «Պարսից պատերազմն» է, որ մեզ է հասել Փավստոս Բուզանդի միջոցով: Այս վեպի ամբողջ առանցքը հայ ժողովրդի մղած ազատագրական պայքարի պատմությունն է Սասանյան Պարսկաստանի դեմ: Այն ստեղծված լինելով ընդամենը մեկ դար կամ մի քիչ ավելի ժամանակ առաջ մեր պատմիչի ապրած ժամանակաշրջանից, իր մեջ հիմնականում բովանդակում է III—IV դարերի պատմական իրականությունը: Դրա համար էլ աչտեղ երկրի ներքին կյանքին ու որոշ եղելություններին վերաբերող փաստերը պատմական լինելուց բացի, պատմական են նաև համարյա բոլոր գործող անձինք:

Տրդատ III-ի հաջորդ Խոսրով Կոտակի գահակալության և Վաչե Մամիկոնյանի սպարապետության տարիներին, Պարսկաստանի նվաճողական հակումները Հայաստանի նկատմամբ չէին դադարում: Սակայն թշնամու բանակների հարձակումներն ամեն անգամ մեծ հաջողությամբ ետ էին մղվում հայերի կողմից: Խոսրովը թշնամու դեմ կռիվներ մղելու հետ միաժամանակ, զբաղվում էր նաև երկրի ներքին կյանքով: Նա մի կողմից արյունալի դատաստան էր տեսնում երկրի ներսում պառակտում սերմանող կամ թշնամու հետ համագործակցող նախարարների հետ, իսկ մյուս կողմից ձեռնարկում շինարարական ընդարձակ աշխատանքներ: Բազմաթիվ նախարարների ու իշխանների մեջ Խոսրով թագավորը առանձին վստահու-

թյուն էր տածում բազմավաստակ ու քաջարի զորավար Վաչե Մամիկոնյանի նկատմամբ: Եվ, եթե Խոսրովը խոշոր նախարարներին միշտ պահում էր արքունիքում և թույլ չէր տալիս այնտեղից հեռանալու, իր դեմ շապտամբվելու կամ թշնամուն շմիանալու համար, ապա Վաչեի հետ նա այդպես չէր վարվում: «(Նա) բոլոր ավագ նախարարական տրեների զորքերը, — գրում է պատմիչը, — գումարում էր արքունի զորքերի հետ և ամբողջ գումարտակը տալիս էր սրանց (Վաչե Մամիկոնյանին և Վահան Ամատունուն—Ս. Մ—Բ.) ձեռքը, և սրանք շարունակ քաջաբար պատերազմում էին Պարսից սահմաններում և թույլ չէին տալիս դյուրություն մտնել ու ավերել Հայոց երկիրը»¹: Վաչե Մամիկոնյանը ոչ միայն հայրենիքին ու ժողովրդին նըվիրված ուժերին էր առաջնորդում դեպի հաղթական պատերազմներ, այլև նա, իր հավատարիմ հետևորդներով, ջերմորեն պաշտպանում էր երկրի միասնության համար Խոսրովի ամեն մի ձեռնարկում: Վաչեի ձեռքով են պատժվում պարսիկների կողմն անցած Դատաբեն Բզնունին և Աղձնիքի բռնախնդ: Վաչե Մամիկոնյանը մեծ վաստակ ունեւր նաև երկրի ներսում կատարվող շինարարական աշխատանքների մեջ: Հայոց սպարապետի ջանքերով էր, որ 330-ական թվականներին ողջ երկրից Արարատյան դաշտում հավաքվեցին մեծ թվով մարդիկ և կարճ ժամանակամիջոցում տնկեցին

¹ Փավստոս Բուզանդ, Հայոց պատմություն, էջ 93:

այն նշանավոր արհեստական անտառը, որն սկըսվում էր Գառնիի մոտագայքից ու հասնում մինչև Գլին ու Արտաշատ, մինչև Արաքսի ափերը: Հենց այդ ժամանակ էլ Արտաշատից ոչ հեռու հիմնադրվում է Հայաստանի նոր մայրաքաղաքը՝ Գլինը:

Վաչե Մամիկոնյանը հերոսի մահով ընկնում է մարտում: Որոշ ժամանակ անց, մեռնում է նաև Խոսրով թագավորը:

Ավելի հետաքրքրական՝ ու բազմաբովանդակ է Խոսրովի հաջորդ՝ Տիրանի վեպը: Տիրանի օրոք ևս պարսիկները չեն դադարեցնում իրենց արշավանքները Հայաստանի վրա, բայց, ինչպես միշտ, այս անգամ էլ նրանք ջախջախվում ու ետ են շարտվում Հայաստանի սահմաններից: Բայց պարսիկները ի վերջո կարողանում են դավադրություններ ու խաբեություններ կախնավորել ու իրենց հետ Պարսկաստան տանել Հայոց թագավոր Տիրանին: Դրանից հետո ժողովրդին ու հայրենիքին նվիրված ուժերի վրեժխնդրությունը ավելի է մեծանում և թշնամու դեմ պայքարը ավելի սուր բնույթ ընդունում: Այժմ պարսիկների դեմ պայքարը ղեկավարում էին Անդուկ Սյունին և Արշավիր Կամսարականը: Հայերին այս անգամ հաջողվում է հոռոտացիների օգնությամբ ջախջախել պարսկական բանակը, նրանք «...սրի բերան տվին,— ասում է մեր պատմիչը,— ոչ մեկին կենդանի չթողին: Բանակը կողոպտեցին, ավար առան, բռնեցին թագավորի կանախը... նրանց բոլոր գույքն ու ստացվածները,

զանձերը, պաշարեղենը, սարքը կանանց հետ միասին գերի վերցրին»¹: Այս պարտությունը հարկադրում է պարսիկներին ետ ուղարկել հայոց թագավորին: Բայց թշնամիները նույնիսկ այս դեպքում էլ մնում են նեւագ ու զաղրելի. նրանք Տիրանին վերագարձնում են երկու աշքերից կուրացած: Դրանից հետո Տիրանին հաջորդում է նրա որդի Արշակ II-ը:

Ներսես Մեծը Բուզանդի հոգևոր պատմության կենտրոնական դեմքն է, որի պատճառով էլ տեսիլքների, ավանդությունների ու կրոնական պատմությունների մեծ մասը հորինվում է նրա շուրջը, իսկ Արշակ II-ը՝ արքունական տան պատմության գլխավոր հերոսը: Բուզանդի հերոսներից ամենից շատ Արշակի կերպարն է հազեցված խորը դրամատիզմով և նա պատմիչի գրչի տակ դարձել է կես իրական, կես վիպական մի անձնավորություն, որը որպես Հայաստանի գերագույն իշխանավոր, մարմնավորում էր այն ժամանակվա ազատագրական պայքարը նենդամիտ ու դավադիր թշնամիների դեմ: Որպես քաջ ու կորովի մի տըղամարդ, Արշակը որպես կանոն, կռիվների մեջ միշտ առջևումն էր: Նրա քաջությունն ու անվախությունը ոգևորում և մարտի էին տանում զորքին ու ժողովրդին: Դրա հետևանքով միջին դարերում ազատագրական մոտիվներով հորինվող ժողովրդ-

1 Փավստոս Բուզանդ, Հայոց պատմություն, էջ 128:

դական զրույցներն ու պատմութիւնները բնակա-
նաբար պետք է մեծ մասամբ վերաբերվին սիր-
ված դուցազնին՝ Արշակին և նրան դարձնեին ժո-
ղովրդական վեպի կենտրոնական դեմքը: Կարծում
ենք, որ Բուզանդի ու նրա ժամանակակիցների մոտ
Արշակը միայն իր անձնական քաջութիւնը և բարե-
մասնութիւնները համար չէ որ այդքան մեծարվել
է: Պատմիչի վկայութիւններից մենք տեղականում
ենք, որ Արշակը ընդհանրապես խելացի պետա-
կան գործիչ էր, մի հանգամանք, որ կարևոր դեր է
կատարել նրա վիպականացման համար: Արշակ
II-ը հայ Արշակունի թագավորների մեջ այն քն-
րից մեկն էր, որ հսկայական ջանքեր գործադրեց
Ֆեոդալական ցրվածութիւնը վերացնելու, խոշոր
Ֆեոդալների ու հայ նախարարների իրավունքները
սահմանափակելու և ուժեղ, կենտրոնացված հայ-
կական պետութիւն ստեղծելու համար: Արշակ
II-ի բոլոր ձեռնարկումները ուղղված էին այդ նը-
պատակի իրականացմանը և դրանք ըստ էութեան
իր ժամանակի համար ունեին առաջադիմական
նշանակութիւն: Ուժեղ և կենտրոնացված պետու-
թեան ստեղծման ճանապարհին նախարարների
իրավունքները սահմանափակելիս, Արշակ II-ը
որոշ հանգամանքներում հենվում էր նաև ժողովրդի
վրա ու երբեմն նրան պաշտպանում կենտրոնական
իշխանութեան հակառակորդ Ֆեոդալների կամա-
յականութիւններից: Այստեղից էլ պարզ է այն, թե
ինչո՞ւ IV—V դարերում Արշակը պետք է դառնար

ժողովրդական բանահայտութեան, վեպի ու վիպա-
սանութեան կենտրոնական դեմքերից մեկը:

Բուզանդի մոտ, ուրեմն և բուն ժողովրդական
բանահայտութեան մեջ, Արշակ II-ը որպէս վիպա-
կան հերոս, հանդես է գալիս խորապես մարդկա-
յին դժերով, ընդգծված կամքի ուժով, մարդկային
թուլութիւններով հանդերձ: Այսպէս, օրինակ, մի
անգամ նա հավատում է՝ Տիրիթի բամբասանքնե-
րին ու սպանել է տալիս իր հարազատ եղբորոր-
դուն՝ Գնելին, մի ուրիշ անգամ զգալով իր սխալը՝
պատժում է նաև Տիրիթին ու սպանում նաև սրան:
Արշակ II-ի շուրջը ստեղծված ամբողջ պատմու-
թիւնը հանգեցվում է արամարտական այն եզրա-
կացութեան, որ Արշակը քաջ էր ու հերոս, որով-
հետև նրա հետ էր մի ամբողջ ժողովուրդ, որ խո-
թանքով զիտակեցելով իր պայքարի արդարացիու-
թիւնը, հետևում էր իր սիրած հերոսին ու ահեղ
պաշքարում հաղթում թշնամուն: Հերոսի ու ժողո-
վրդի, հերոսի ու հայրենիքի այդ փոխադարձ կա-
պը բանահայտութեան մեջ արտահայտված է կա-
տարյալ վիպական ձևով: Բանակցութիւնների
համար Պարսկաստան կանչված Արշակ II-ին
փորձելու ու նրա իսկական մտազրոյթիւններն
ստուգելու համար Շապուհը գաղտնի կարգադրում
է հանդիպման համար պատրաստված հարկարած-
նի հատակի կես մասը պատել Հայաստանից բեր-
ված հողով: Եվ ահա երկու թագավորների զրույցի
ժամանակ, երբ Արշակը կանգնում է հատակի այն

մասի վրա, որտեղ հող չէր լցված, խեղճանում, թուլանում է և մեծարանքով ու հարգանքով դիմում իր խոսակցին, իսկ երբ կանգնում է Հայաստանի հողով ծածկված մասի վրա, խորխտանում, ուժ է ստանում ու սպառնում Շապուհին ամենավիրավորական խոսքերով: Գաղազած Շապուհը զրանից հետո շփթայել է տալիս Արշակին ու բանտարկում Անհուշ բերդում:

Վերին աստիճանի հոգեբանական ու ճշմարտացի, բայց միաժամանակ խիստ ողբերգական պատկեր ունի նաև Արշակ II-ի մահվան նկարագրությունը: Պարսկաստանի այդ հեռավոր ու դաժան վնդանում մի անգամ կյանքը անսպասելիորեն ժպտում է հայոց թագավորին: Շապուհի թուլատվությամբ Արշակին տեսակցության է գալիս նրա ամենասիրելի անձնավորություններից մեկը՝ Գըրաստամատը: Վերջինիս պահանջով Արշակին հանում են գնդանից, մաքրում կեղտից, հագցնում թագավորական զգեստները և բերում մի ճոխ սեղանի մոտ: Գրաստամատը ամենահոգատար ձևով հյուրասիրում ու հատուկ նվագածուների միջոցով ուրախացնում է Արշակին: Այս ուրախությունը, սակայն, կարճատև պետք է լիներ, որովհետև Գըրաստամատը կրկին պետք է հեռանար նրանից: Մեր հերոսը խմանալով, որ շուտով վրա է հասնելու բաժանման ախուր ժամը, դանակը խրելով իր սիրտը, անշնչանում է խնջուլքի սեղանի մոտ, իր սիրելի Գրաստամատի աչքերի առաջ: Գրաս-

տամատին ոչինչ չէր մնում անել, քան նույն դանակով ինքնասպան լինել:

Այս վեպը ոչ միայն հայկական, այլև համաշխարհային գրականության մեջ համարվում է ժողովրդական ստեղծագործության անգնահատելի գանձերից մեկը, այն խորապես մարդկային է, արտահայտում է վսեմ ու բարձր գաղափարներ և փայլում ամենաչերմ հայրենասիրությամբ: Այստեղ, հակառակ Շապուհ II-ի, որ հանդես է գալիս որպես շար ու հետադիմական ուժերի խտացած պատկեր, որն իր մտադրություններն իրագործելու համար կանդ շի առնում ոչ միայն ամենախարդախ և ամենազազրելի գործողությունների առաջ, այլև դրժում է իր արքայական խոսքն ու երգումը, Արշակ II-ը արդարամիտ է, հերոս, ազնիվ, որը սակայն զոհ է գնում շարություն ու անարդարության ուժին: Վեպի ամբողջ բովանդակությունը զարգանում է այնպես, որ ընթերցողի համակրանքը միշտ էլ Արշակի կողմն է, որ նա ոչ միայն խորատելություն է լցվում շարի ու անարդարության նկատմամբ, այլև հավատում բարու, արդարության և ժողովրդի հաղթանակին: Որքան զեղեցիկ ու վսեմ է վեպի բովանդակությունը:

Հայոց թագավոր Արշակ II-ի եղբրական վախճանից հետո պարսիկների նորանոր հարձակումներից Հայաստանի պաշտպանությունը իր ձեռքն է վերցնում գորավար Վասակ Մամիկոնյանի որդի Մուշեղը: Տաղանդավոր գորավարը երկրի պաշտ-

պանութեան հետ մեկտեղ հոգ է տանում նաև Արշակի կնոջ՝ այրիացած Փառանձեմ թագուհու նըկատմամբ: Վեպում բազմաթիվ հերոսների մեջ Փառանձեմը միակ առաջատար դեր խաղացող կին հերոսն է: Այստեղ Փառանձեմը հանդես է գալիս որպես հասարակական ակտիվ գործիչ, որը ամուսնու կորուստից հետո իր մեջ խեղդելով վշտի ծանր զգացումը, մեծ եռանդով շարունակում է կառավարել պետութունը: Հայկական մատենագրութեան մեջ առաջին անգամ Բուզանդի մոտենք հանդիպում մի կնոջ, որին կյանքում հատկացված է տղամարդուն հավասար տեղ: Փառանձեմը միայն պարսական անհոգ ու շռայլ կյանքը վայելող անձնավորութուն չէ, դժբախտութեան և վտանգի պահին նա ոչ թե հուսահատվում ու ետթարկվում է ճակատագրի բմահաճույթին, այլ կամքի մեծ ուժով և տոկունությամբ դուրս է գալիս անարդարութեան դեմ, կազմակերպում ու ղեկավարում հայասեր ուժերին և փորձում դժվարութունների հաղթահարման ճանապարհով փրկութեան ելք գտնել: Սակայն ուժերը անհավասար էին: Պարսկական բանակները այլևս հաշվի չառնելով իրենց կրած հսկայական կորուստները, ներխուժում են Հայաստանի կենտրոնական շրջանները և երկարատև պաշարումից հետո, գրավում նաև հրշակավոր Արտագերս բերդը, որտեղ ամբացած էր Փառանձեմը: Փառանձեմը գերութեան մեջ էլ իրեն պահում է արժանավայել կերպով, արհամարհելով

ամեն կարգի խոշտանգումները, նա մեռնում է հերոսաբար, առանց գլուխ խոնարհելու անարգ թըշնամու առաջ: Փառանձեմը հայ կնոջ հերոսական կերպարն է: Նրանով ոգեշնչվել ու նրան են ձգտել նմանվել հետագա սերունդների շատ ու շատ ներկայացուցիչներ:

Պարսկական զորքերի կատարած շարագործութուններն ու թագուհու կորուստը բորբոքում է ողջ ժողովրդի վայրույթն ու նրան օտարի հանում թըշնամու դեմ: Պայքարի այս շրջանում վճռական դերը պատկանում էր Մուշեղ Մամիկոնյանին, որի ղեկավարությամբ պարսիկները ջախջախվում և արտաքսվում են Հայաստանից: Սակայն հարցը միայն դրանով չի վերջանում, անհրաժեշտ էր նաև լուծել Արշակունիների գահաժառանգութեան հարցը: Եվ ահա, Մուշեղի ջանքերով Բյուզանդիայից Հայաստան է բերվում Արշակ II-ի միակ ժառանգ Պապը, որը ստանձնում է հոր իշխանութունը:

«Պարսից պատերազմը» ժողովրդական վեպի ամենահետաքրքիր ու պատմագիտական առումով ամենաարժեքավոր մասերից մեկն էլ Պապի ճյուղն է, չնայած ինքը Պապը վեպում ներկայացվում է ամենաբացասական ու մոռյլ գույներով: Այս հանգամանքի պատճառը հասկանալու համար անհրաժեշտ ենք համարում գոնե ընդհանուր գծերով ծանոթանալ Արշակ II-ի արժանավոր հետնորդի պետական գործունեությանը, որը դժբախտաբար շատ կարճատև կյանք ունեցավ:

Պատմութիւնից մեզ հայտնի է, որ Պապը իշխանութեան գլուխ անցավ միջազգային հարաբերութիւններէ շափազանց լարված իրադրութեան պայմաններում՝ 369 թվականին, երբ նա ընդամենը 16—18 տարեկան էր: Սակայն անկախ որևէ հանդամանքից, հայոց թագավորը հենց սկզբից իրեն դրսևորեց որպէս պետական խոշոր գործիչ, ժամված վարչական, ռազմական, դիվանագիտական բարձր հատկանիշներով: Նա մեծ ինքնուվրաստահութեամբ իր ձեռքը վերցնելով երկրի կառավարման ղեկը, համարձակորեն առաջ շարժվեց այն ճանապարհով, որ նշել էր Աբշակ II-ը: Պապը լավ ըմբռնելով ստեղծված միջազգային իրադրութեան ամբողջ բարդութիւնը և առաջին հերթին կլնելով հայկական պետութեան շահերից, երկրի ներսում վարում էր պետութեան խիստ կենտրոնացման քաղաքականութիւն, ձգտելով բարձրացնել Հայաստանի հեղինակութիւնն ու դերը: Օտար տերութիւններէ հետ Պապը վարում էր խաղաղասիրական քաղաքականութիւն, ամեն կերպ աշխատելով խուսափել պատերազմներից ու անտեղի բարդութիւններից: Իր կարճատև գահակալութեան ընթացքում նա հնարավոր բոլոր միջոցները գործադրեց այդ քաղաքական գծի պահպանման համար: Նա, հենվելով երկրի առաջադիմական ու հայրենասիրական ուժերի վրա, հեշտութեամբ կարողանում էր ասպարեկից վերացնել թագավորական իշխանութեան հակառակորդներին ու թշնամի-

ներին: Իր դիրքերն ամրացնելու, ինչպէս նաև երկրի ներքին ու արտաքին քաղաքականութեան հարցերը լուծելու համար Պապը ամենից առաջ ստեղծեց ուժեղ բանակ, որի հենց միայն հեծելազորի թիվը հասնում էր 90 հազարի: Այս բանակի միջոցով Պապը ոչ միայն կարողանում էր հաջողութեամբ ևտ մղել պարսկական հարձակումները, այլև սանձահարել ու հպատակեցնել դավաճան կամ կենտրոնախույս տրամադրութիւններ ունեցող նախարարներին: Այս գործողութիւնների ընթացքում Պապի դեմ խիստ թշնամաբար տրամադրված մի քանի նախարարական տներ նույնիսկ ամբողջովին բնաջնջվեցին և նրանց կալվածքները բռնագրավվեցին: Պետութիւնը կենտրոնացնելու և նրա եկամտներն ավելացնելու համար Պապը որոշակի քաղաքականութիւն սկսեց նաև եկեղեցու և հայկական հոգևորականութեան նկատմամբ:

Թեև բրիստոնեութեան ընդունումից անցել էր ընդամենը մի քանի տասնամյակ, սակայն պատմական համեմատաբար այս կարճ ժամանակամիջոցում հայոց եկեղեցին իր ձեռքում կենտրոնացնելով հոգային ընդարձակ տարածութիւններ, բազմաթիվ տնտեսական օբյեկտներ ու մեծ քանակութեամբ գյուղեր իրենց բնակիչներով, դարձել էր ֆեոդալական մի ուժեղ կազմակերպութիւն: Տնտեսական տեսակետից ուռճանալու հետ մեկտեղ, տարեցուտարի ընդարձակվում էին նաև եկեղեցու ու հոգևոր դասի իրավունքներն ու արտոնու-

թյունները: Հայոց եկեղեցու ձեռքում էր գտնվում օրենսդրության /և դատավարության իրավունքը, եկեղեցին ժողովրդից գանձում էր հատուկ հարկեր և այլն: Այս բոլոր ինքնըստինքյան մեծ հնարավորություններ էին ստեղծում որպեսզի երկրի ու ժողովրդի հարստության մի զգալի մասը կենտրոնանա եկեղեցու և հոգևորականության ձեռքին: Հայկական եկեղեցին և հոգևորականությունը, հենվելով իրենց տնտեսական հզորության վրա և ելնելով այն իրավունքներից, որ ունեին, արդեն IV դարում որոշակի փորձեր էին կատարում դուրս գալու կրոնական, եկեղեցական շրջանակներից և ղեկավար դեր կատարելու նաև երկրի կառավարման գործում: Մի կողմից եկեղեցու և հոգևոր դասի տնտեսապես հզորանալը, մյուս կողմից նրանց հակումները աշխարհիկ գործերի նկատմամբ, IV դարում ուժգնորեն սրում են աշխարհիկ և հոգևոր ֆեոդալների փոխհարաբերությունները, մի երեվույթ, որ հատուկ էր ոչ միայն Հայաստանին, այլև բոլոր այն երկրներին, որոնք անցել են ֆեոդալիզմի զարգացման որոշակի շրջանները: Հասկանալի է, որ այսպիսի պայմաններում Պապը որպես աշխարհիկ ֆեոդալական հիերարխիայի ամենաբարձր աստիճանի վրա կանգնած անձնավորություն, ոչ միայն չէր կարող ներդասային այս պայթարից հեռու մնալ, այլ ընդհակառակը, նա պետք է ակտիվ ու ներգործող միջոցների դիմեր իր իշխանությունն ու իր դասի շահերը պաշտպանելու համար:

Եվ ահա 370-ական թվականների հենց սկզբներին Պապը իր մի շարք օրենքներով համարձակորեն սկսեց սահմանափակել հայկական եկեղեցու և հոգևորականության իրավունքները: Ելնելով աշխարհիկ ֆեոդալների և կենտրոնացած պետության շահերից, Պապը մեծ հաստատակամությամբ սկսեց արմատապես սահմանափակել եկեղեցու և հոգևորականության իրավունքները:

Առաջին բայքը, որ կատարեց Պապը, դա եկեղեցական հոգևոր բռնագրավումն էր: Պապի հատուկ օրենքով եկեղեցական հոգևոր յոթ բաժնից հինգը բռնագրավվեց: Եկեղեցուց խլված հոգևորի մի զգալի մասը որպես վարձատրություն նա տալիս էր բանակում ծառայող զինվորներին: Հոգևոր բռնագրավման մասին օրենքին հաջորդեց մեկ ուրիշ՝ եկեղեցուն տրվող տասանորդի վերացման, օրենքը: Այս երկու միջոցառումներն էլ տնտեսապես զգալիորեն թուլացնում էին և՛ եկեղեցուն, և՛ եկեղեցական դասին: Եկեղեցու տնտեսական իրավունքների սահմանափակումից հետո Պապը հրապարակեց նաև մի այլ օրենք, որով խստորեն կրճատվում էր հոգևորականների թիվը. թագավորի հրամանով շուտով փակվեցին բազմաթիվ վանքեր, մենաստաններ, կուսանոցներ և եկեղեցական կարգի այլ հաստատություններ, որոնց շուրջը ժամանակի ընթացքում հավաքվել էր արտադրող, բայց նյութական բարիքները խժոռոջ մի հակայական բազմություն: Հոգևոր պարտակա-

նություններից ազատված և թվարկված հաստատություններից հեռացված մարդկանց ուղարկում էին հանրօգուտ աշխատանքի կամ վերցվում գինվորական ծառայության: Պապի այս ձեռնարկումները ոչ միայն ամրացրին թագավորի և աշխարհիկ ֆեոդալական դասի իրավունքները, այլև մի քանի անգամ ավելացրին ու կենտրոնացրին պետության եկամուտները: Պարզ է, որ այժմ ավելի մեծ հնարավորություններ ստեղծվեցին մեծ և ուժեղ բանակ պահելու, ամրություններ ու բերդեր կառուցելու և ընդհանրապես երկրի անվտանգությունը ավելի ապահով հիմքերի վրա դնելու համար:

Սակայն Պապն իր այս ձեռնարկումներով ամենևին էլ չէր հետապնդում եկեղեցին ոչնչացնելու կամ հոգևորականությանը ասպարեզից մեկ ընդ միշտ քշելու նպատակ, նա միայն ելնելով աշխարհիկ ֆեոդալների շահերից և ձգտելով ստեղծել ուժեղ ու կենտրոնացված պետություն, սահմանափակեց եկեղեցու իրավունքները և փաստորեն եկեղեցին խստորեն ենթարկեց պետությանը: Ի՞նչ խոսք, որ Պապի այս ձեռնարկումները իր ժամանակին ունեին առաջադիմական հսկայական նշանակություն և ամբողջությամբ ելնում էին պետության ու ժողովրդի շահերից: Այս բոլորից հետո միանգամայն հասկանալի է թե ինչու նրա շուրջը ստեղծված վեպի մշակմանը վճռականորեն միջամտել են եկեղեցու ներկայացուցիչները, որոնք խեղաթյուրելով իրականությունը, նրան ներկայաց-

րել են որպես ամենաբացասական անձնավորություններից մեկը: Իսկ վիպագրող Բուլանդը հավատարիմ իր սկզբունքին և գուցե ներքուստ գոհ վեպի այսպիսի ընթացքից, չի փոխել նրա բովանդակությունը և շարադրել է այնպես, ինչպես ինքը լսել է ուրիշ աղբյուրներից:

Պապի վերին աստիճանի ինքնուրույն քաղաքականությունը չէր կարող շանհանգստացնել Հայաստանի հարևաններին և առաջին հերթին հույներին ու պարսիկներին: 374 թվականին Պապը հոռեական պաշտոնյաների կողմից հրավիրվում է ճաշկերույթի ու դավադրաբար սպանվում: Այսպիսով, հայոց երիտասարդ թագավորը գոհ գնաց Հայաստանի հզորացումը չհանդուրժող թշնամիներին իր ուժերի բուռն ծաղկման շրջանում: Պապի մահից հետո փաստորեն Արշակունիների թագավորությունը զրկվելով փորձված ու խելոք մի ղեկավարից, արագորեն գնաց դեպի մասնատում և անկում:

Բուլանդի Պատմությունն ուշադրությամբ կարգալով կարելի է գալ այն եզրակացություն, որ մեր հեղինակը իր գիրքը գրել է Մամիկոնյան նախարարներից մեկի պատվերով, Մամիկոնյանների փառքը գովերգելու համար: Հայկական բազմաթիվ նախարարությունների մեջ մեր պատմիչի համակրանքը առանձնապես Մամիկոնյանների նրկատմամբ, անկասկած, ունի պատմական հիմք: Օտար նվաճողների ու ներքին պառակտիչների դեմ

իրենց անձնագոհ պայքարով, երկրի միասնության համար իրենց ուժերը շննայող Մամիկոնյանները հայկական մյուս նախարարությունների մեջ վաղուց էին շահել առաջնությունը, որի համար էլ նախարարական դասի և հայ ազնվականության մեջ Մամիկոնյաններին վերաբերող պատումները անառարկելիորեն պետք է ավելի պայծառ լինեին: Բուզանդի մոտ Մամիկոնյան տոհմի բոլոր զորավարները իսկական դյուցազուններ են, որոնց շուրջն էլ հյուսվում են այդ տոհմին վերաբերող վեպի առանձին ճյուղերը:

Մամիկոնյան տոհմի համարյա բոլոր ներկայացուցիչները իսկական հայրենասերներ, մարդասեր ու վեհանձն մարդիկ են: Հայրենիքին վերաբերող կարեորագույն հարցերի լուծման ժամանակ նրանք միշտ առաջին շարքերումն են և իրենց ետևից են տանում ու զլխավորում առաջադիմական և հայրենասեր մյուս ուժերին: Ինչպիսի ջերմություններ, որ նրանք սիրում են իրենց հայրենիքն ու հայրենակիցներին, նույնպիսի ուժգնությամբ էլ նրանք ատում են բոլոր թշնամիներին: Մամիկոնյանների համար չկա ավելի բարձր բան, քան պայքարել հայրենիքի համար, զոհվել հայրենիքի համար սուրբ ձեռքին: Սպարապետ Մանվել Մամիկոնյանը իր հիվանդության ժամանակ մեծ վիշտ էր ապրում ու դժգոհում իր ճակատագրից, որ ինքը մեռնում է տանը, անկողնու մեջ և ոչ պատերազմի դաշտում: Վշտացած զորավարը բաց անե-

լով իր մարմինը և ցույց տալով ճակատամարտերում ստացած բազմաթիվ վերքերի սպիները, դառնությամբ բացականչում է, թե ինչու՞ և ինքը չի մեռնում կովի դաշտում հայրենիքը պաշտպանելիս: «Մանկությունից հետե ես պատերազմների մեջ եմ մեծացել,— ասում է նա,— ամեն վարք հանձն առա քաջությամբ, և ինչու՞ ևս բախտ չունեցա պատերազմի մեջ մեռնելու, քան թե այսպես անասունի պես մեռնեի: Որքան լավ կլինե՞ր՝ եթե պատերազմի մեջ մեռնեի աշխարհի համար... Ուր էր թե ինձ վիճակվեր մեռնել մեր աշխարհի... մեր կանանց ու որդոց համար, աստվածապաշտ մարդկանց, եղբայրների, ընկերների և մտերիմ բարեկամների համար: Ես շատ հանդուգն էի ինձ պահում (պատերազմների մեջ), բայց և այնպես ինձ վիճակվեց մեռնել վատթար մահով՝ անկողնում պառկած»¹:

Վեպում Մամիկոնյանները ներկայանում են որպես իսկական զինվորականներ, պատրաստ՝ կատարելու երկրի գերագույն հրամանատարի՝ թագավորի հրամանները, ինչպես նաև բոլոր պայմաններում պաշտպանելու թագավորի անձը, հեղինակությունը և իշխանությունը: Այս բանը վեպում ակնառու կերպով դրսևորվում է հետևյալ դեպքի մեջ. մի անգամ երբ Արշակ II-ը հատուկ հրավերով գտնվում էր Պարսկաստանում, Շապու-

¹ Փավստոս Բուզանդ, Հայոց պատմություն, էջ 292:

հի ախոռապետը համարձակվում է անարգել նը-
րան ու վիրավորական խոսքեր ասել, Վասակը,
որ Արշակի անբաժան ուղեկիցն էր նման դեպքե-
րում, չի կարողանում հանդուրժել այդ անպատվու-
թյունը և սուրբ մերկացնելով, տեղն ու տեղը գըլ-
խատում է անբարտավան պաշտոնյային: Վասա-
կի ու Արշակի հետ տեղի ունեցած այս միջադեպը
խրախուսանքի է արժանանում նույնիսկ Շապուհի
կողմից: «Իսկ Պարսից թագավորը երբ այս բանը
լսեց, — ասված է վեպում, — մեծ շնորհակալու-
թյուն հայտնեց Վասակ զորավարին, դարմանալով
նրա քաջասրտության և մեծ աներկյուղության
վրա»¹: Շապուհը, որ ի բնե չար, նենգամիտ ու դա-
վադիր մի անձնավորություն էր, իրականում չէր
կարող հանդուրժել Վասակի, իր հյուրի՝ նման
վարմունքը և այն էլ Պարսից արքունիքում, սա-
կայն նա ստիպված էր կեղծելու իրեն, որովհետև
այդ ժամանակ նրան խիստ պետք էր հայերի դա-
շինքը ընդդեմ Հռոմի: Իսկ երբ ուրիշ պայմաննե-
րում մի քիչ ամրանում էր Պարսից թագավորի
ոտքի տակի հողը, երբ նա իրեն շատ թե քիչ ապա-
հով էր գգում, այն ժամանակ մտնում էր իր իս-
կական դերի մեջ, դառնում բռնակալ, դավադիր,
երդմնադանց ու անմարդկային: Եվ ահա, քաջու-
թյունն ու խիզախությունը գովերգող Շապուհը
բանակցություններ վարելու պատրվակով իր մոտ

¹ Փավստոս Բուզանդ, Հայոց պատմություն, էջ 183:

կանչելով Արշակին ու Վասակին, ամենևին չի
ամաշում վերջինիս շղթայակապ անել և նետել
ղնդան:

Պարսկական արսորում Վասակ Մամիկոնյանը
բարձր է պահում իր և իր տոհմի արժանապատ-
վությունը: Շապուհը հրճվանքի մեջ, ծաղրելով
հայոց սպարապետին, դիմում է նրան հետևյալ
հարցումով. «Աղվե՛ս, այդ դո՛ւ էիր այն խանգա-
րիչը, որ այսքան տարի մեզ և քաջերին շարչարե-
ցիր, դո՛ւ էիր, որ այսքան տարի կոտորում էիր
արիներին (պարսիկներին, Ս. Մ.-Բ.). հիմա
ի՛նչպես պետք է իմ ձեռքից ազատվես. ես քեզ
աղվեսի մահով պիտի սատկեցնեմ»: Վասակը ան-
վեհերորեն պատասխանում է. «Այժմ ինձ տեսնում
ես փոքր մարմնով և սուրս էլ վրաս չէ՛ իմ մեծու-
թյան շափը շիմացար, որովհետև մինչև այժմ ես
քեզ համար առյուծ էի, իսկ այժմ աղվես դարձա:
Բայց երբ ես դեռ Վասակ էի՝ ես հսկա էի. մի ոտս
մի լեռան վրա էր, մյուսը մյուս լեռան վրա. երբ
աջ ոտքիս վրա էի հենվում՝ աջ կողմի լեռը գե-
տին էի կոխում, երբ ձախ ոտքիս վրա էի հենվում՝
ձախ կողմի լեռն էի գետին կոխում»: Շապուհը
կատաղած հարցնում է. «Ձի՛ լինի ասես, այդ ի՛նչ
լեռներ են, որ դու տափն էիր կոխում»: Այն ժա-
մանակ Վասակը շեշտակիրորեն պատասխանում է.
«Երկու լեռներից մեկը դու էիր, մյուսը հունաց
թագավորը. քանի որ աստված հաճ էր մեզ հետ՝
քեզ էլ էի գետին կոխում, Հունաց թագավորին

էլ... Հիմա ինչ ուզում ես՝ արա»¹: Շապուհը գաղա-
զած, այլևս պատասխան չգտնելով, հրամայում է
Վասակի մորթը հանել, խոտով լցնել և տանել Ան-
հուշ բերդը ու կանգնեցնել Արշակ II-ի խցիկում:

Ֆեոդալիզմի ժամանակաշրջանի ու ֆեոդալա-
կան դադափարախոսության արդյունք պետք է հա-
մարել վեպում բաղմապիսի առիթներով ցուցա-
դրվող թագավորի՝ որպես «տիրոջ» և ազնվակա-
նությանը՝ որպես «ծառայի» փոխհարաբերություն-
ների արտացոլումը: «Մառա» ազնվականների
ամենամեծ և ամենանվիրական պարտականու-
թյունը «տեր» թագավորի հանդեպ՝ դա զինվորա-
կան պարտականության կատարումն էր իր տիրա-
պետության սահմաններից հավաքած զորքերը
հետ միասին: Իսկ թագավորը զինվորական ծառա-
յության դիմաց իր հպատակներին տալիս էր հողեր
ու կալվածքներ:

Տիրոջ և ծառայի այսպիսի փոխհարաբերու-
թյուններ գոյություն ունեին նաև հայկական եկե-
ղեցու և հոգևորականության շրջանում: Եթե թա-
գավորը համարվում էր աշխարհիկ կյանքում ամե-
նամեծ հողատերն ու ֆեոդալը, ապա եկեղեցական
բնագավառում ամենախոշոր հողատերը համար-
վում էր կաթողիկոսը:

Վեպում Մամիկոնյան նախարարները, զինվո-
րականներն ու զորավարները իրենց ծառայական

պարտականությունների մեջ հայ Արշակունիների
հանդեպ հանդես են գալիս որպես ամենանվիրված
ու ամենապարտաճանաչ անձնավորություններ:
Նրանք այդ առումով ֆեոդալական Հայաստանի
ավատական վերնախավի ամենակատարյալ, ամե-
նախղեակական զեմքերն են: Տիրոջ ու ծառայի այդ
փոխհարաբերությունը, ֆեոդալական հիերարխիա-
լի այդ սրբագործված սովորույթը կամ ավելի ճիշտ՝
օրենքը պարտադիր էր բոլորի համար: Բուզանդի
մոտ էլ կան դրվագներ, որոնք ներկայացնում են
անհավտարիմ ծառաներին պատժելու ահավոր տե-
սարաններ՝ ընդհուպ մինչև նախարարական ամ-
բողջ տոհմերի բնաջնջում և այլն:

Բուզանդի գրքում հայ նախարարների մեծա-
գույն մասը, և Մամիկոնյանները մասնավորապես,
փայլում է հոգու մաքրությամբ, ազնվությամբ ու
բարություններով, որը երբեմն այնքան մարդկային է,
որ արտահայտվում է նույնիսկ թշնամու նկատ-
մամբ: Ի՞նչպես կարելի է չհիանալ Բուզանդի գըլ-
խավոր ու կենտրոնական հերոս Մուշեղ Մամիկոն-
յանով, երբ նա մեծահոգությամբ ու մարդասիրու-
թյամբ իր կողմից պատերազմի ժամանակ գերի
վերցված Շապուհի կանանց ետ է ուղարկում
Պարսկաստան, առանց մազաշափ անգամ վիրա-
վորելու նրանց արժանապատվությունը: Դա Մու-
շեղի մարդասիրական բարձր զգացմունքների հը-
րապարակային ցուցադրումը չէր միայն, այլ մի

¹ Փավստոս Բուզանդ, էջ 218:

ամբողջ ժողովրդի՝ հայ ժողովրդի բարոյական բարձր ոգու արտահայտութիւնն էր:

Փալատոս Բուզանդի մոտ հանդես են գալիս ոչ միայն հերոսներ ու զրական կերպարներ, այլև դավաճաններ, մորթապաշտներ, փառասերներ, ըստոր ու նվաստացուցիչ ձևերով հարստութիւն կուտակողներ: Այս կարգի մարդիկ ալեւի են ընդգրծում զրական հերոսների կերպարները: Բուզանդի գրքում բերված բացասական կերպարները իրենց բնավորութեամբ, գործելակերպով, ձգտումներով ու ներքնաշխարհով իրար նման չեն: Մերուժան Արծրունին, օրինակ, փառասեր է ծայրահեղ աստիճանի, որը ձգտում է բարձր դիրքի ու պաշտոնի, և իր մտադրութիւնների իրականացման համար կանգ չի առնում ոչ մի միջոցի՝ ընդհուպ մինչև դավաճանութեան առաջ: Իսկ Հոհան եպիսկոպոսը հարստանալու համար պատրաստ էր կատարելու ամենաստոր ու նվաստացուցիչ գործողութիւններ: «Նա թագավորների առաջ,— ասում է մեր պատմիչը,— ձեռների ու ոտների վրա ընկնելով չորեքթաթ էր տալիս, ուղտի նման կառաչում էր, ուղտի նման քալելով: Կառաչելու ժամանակ միմի խոսք էր խառնում կառաչելու ձայնով ու ասում էր. «Ուղա եմ, ուղա եմ, թագավորի մեղքերը բառնում եմ, վրաս դրեք թագավորի մեղքերը, որ բառնամ»: Իսկ թագավորները գյուղերի կամ ագարակների պարզագիրներ գրելով ու կնքելով դնում էին Հոհանի կոնակի վրա իրենց մեղքերի փոխա-

նակ: Եվ այսպես՝ ուղտ լինելով ու մեղքեր բառնալով նա՛ հայոց թագավորներից ձեռք բերեց գյուղեր, ագարակներ ու գանձեր: Այսպիսի մարդ էր այս Հոհանը, որ իր բոլոր կյանքում վարակված էր ագահութեամբ ու ժլատութեամբ և ագահութեան պատճառով անարժան գործեր էր կատարում»:

Եթե առաքինի, ազնիվ ու քաջ մարդկանց նրկատմամբ Բուզանդը արտահայտում է իր սերը, համակրանքը ու հիացմունքը և նրանց կոչում ամենալավագոյն ամականներով, ապա Մերուժանի, Հոհանի ու նրանց նմանների նկատմամբ նա ատող է ու անհանդուրժող, սրանց նա տալիս է վատ անուններ ու բացասական որակումներ: Ե՛վ տոաջինների, և՛ երկրորդների նկատմամբ գույներըն այնքան են խտացված, որ ընթերցողն անմիջապես անցնում է հեղինակ Բուզանդի կողմը ու համակվում և՛ նրա սիրով, և՛ նրա ատելութեամբ, սիրելով հայրենիքն ու հայրենասերներին, ատելով հայրենազավներին ու վախկոտներին:

Փալատոս Բուզանդի աշխատութիւնը անցյալի գրական ժառանգութեան այն լավագոյն նմուշներից մեկն է, որն այսօր ոչ միայն չի կորցրել իր պատմագիտական արժեքը, այլև բովանդակութեամբ ու հայրենասիրական ջերմութեամբ ուսանելի է նաև մեզ համար:

1 Փալատոս Բուզանդ, էջ 303—304:



